



ATASSUT INATSIARTUNI

25. november 2013

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apequtit imaattut saqqummiuppagut:

Ivigaasanik arsaattarfiliornissaq pillugu Naalackersuisunut apequtit

(Inatsisartuni ilaasortat Knud Kristiansen aamma Gerhardt Petersen, ATASSUT)

Tunngavilersuut:

Demokraatit sinnerlugit Inatsisartuni ilaasortaasimasup Niels Thomsen-ip Inatsisartut 2011-mi upernaakkut ataatsimiinneranni siunnersuutigivaa (pkt. 49) Nuummi, Sisimiuni Ilulissanilu ivigaasanik qallikkanik arsaattarfiliornissap pilersaarusiorneqarnissaanut 2012-mi Aningaasanut Inatsisissatut siunnersuummi aningaasanik immikkoortitsinissamik Naalackersuisut peqquneqarnissaannik Inatsisartut aalingiissasut, siunnersuullu taanna akuersissutigineqarpoq.

Tamatuma malitsigisaanik aningaasanut inatsimmi 2012-moortumi aningaasat 1 mio. kr. Suliniutip aallartinnissaanut konto pingaarneq 80.00.00-mi, sanaartornermut atugassat agguanneqanngitsunut immikkoortinneqarput.

Aningaasat aningaasanut inatsimmi 2013-moortumi ilannguteqqinneqarput, massakkullu aningaasanut inatsisissatut siunnersuummi 2014-moortumi konto pingaarneq 84.40.14. (sumiiffik: 996 P.nr. 54003) tassanilu takuneqarsinnaavoq aningaasat 100.000 kr. ataatilaarlugit atorneqareersimasut.

Siuliani taaneqartut tunngavigalugit apequtit uku akineqaqquagut:

- 1) Ivigaasanik arsaattarfiliornissamut pilersaarutit sumut killippat?
- 2) Tulleriaarineq qanoq iluseqarpa?
- 3) Ivigaasanik arsaattarfiliat qaqugu naammassineqassasut naatsorsuutigineqarpa?